



Central Executive Committee Meeting neih a ni

Branch News

Chanmari West, July 17: Ni 16.7.2011 (Inrinni) chawhnu dar 1:00 khan Central YMA Committee Room-ah CEC Meeting neih niin Pu Lal Chungnunga, President-in a kaihrui a, member 47 an kal a ni.

He meetingah hian CEC hmasa leh tun CEC inkara YMA hmalakna report ngaihtlak a ni a, YMA History 1996-2010 ziak turin Pu Lalbiakzuala, General Secretary, CYMA ruat a ni a. YMA Day leh Chhandamna Camping neih zawh tak thlirletna neih niin, CYMA chuan he camping hi a hlawhtling hlein an hria.

YMA General Conference 2011 Ni 25-27.10.2011 a YMA Sub-Hqrs. Kolasib-a neih tur chungchang sawiho a ni a, kumpuan thupui 'Khawtlang Nun Siamthat' sawi turin Pu Vanlalruata, Asst. Secretary ruat a ni Detail Programme Committee hetiang hian ruat nghal a ni :-

- Chairman :- J. Lalsailova,
- Fin. Secy.,CYMA
- Secretary - Tv. Lalmachhuana,CEC.
- Members - 1) Ni. Lalramengzami
- CEC 2) Dr. Lalnuntluanga CEC
- 3) Pu K. Laldawngliana CEC
- 4) Pu Roneiththanga CEC te an ni.

Gen. Conference Agenda, Kumpuan rawtna chu August 2011 chhunga thehluh tur a ni a, Danbu leh

Chhianthni Thatni Kaihhruiaina lam hawi telh loh tur a ni. Kumin hi CYMA Hruaitu thlan kum a ni a, Nomination thehluh turte chuan September thla ral hma ngeiin an remtihna la in CYMA Office-ah thehluh tur a ni. Meeting-ah hian 65th YMA General Conference thurel bawhzui dan thlirho a ni a, Thurel bawhzui dan tha hle a hriat a ni a, hnamdang Mizo hming hawha sumdawngte dap chhuah chungchangah Secretaries ten ruahmanna siamin a hmuna fankual nise an ti.

Central Anti Drugs Squad (CADS) Convener thar atan Pu R. Lalngheeta, Treasurer an ruat bawk.

Tin, Central YMA sumte hi hun lo kal zel turah mamawh a la nih reng dawn avangin kumtinin Chartered Accountant Audit tir thin tawh nise tih a ni a, Financial Year anga kalpui chu CEC chuan rem a ti bawk a ni. Meeting-ah hian Sanction Demand pahnih Press Sub-Committee - ` 40,000 leh Literature Sub-Committee ` 85,040 Total ` 1,25,040 chu passed a ni bawk.

(source CYMA web-page)

Karleh hun remchangah Branch Executive Committee neih tum a ni.

Kan Branch President Pu T.Ngurkhuma chu kar hmasa khan Office Duty in Lawnglai lamah a zin chhuak a, zirtawp khan dam takin a lo haw leh.

Nimin khan Zofa Cultural Club te huaihawtin A.R Lammualah Section, Sporting Club leh Zofa hruaituten Football khelh a intihhlumna ni.

Vengdang atanga kan veng rawn pem lut ten an awmna hnuhnungber atangin pem lehkhaw lak tur a ni a, lehkhaw chu an awmna Section hruaitute hnenah rang takin an thehluh vat tur a ni.

PEM LEHKHA

Heng mite hnen atang hian pem lehkhaw dawn a ni a, veng tana mi tha tak an nih chhoh zel kan beisei.

1. Rev Vanlalmawia te chhung Biata atangin Pu Ronald Lalkhuma 'V' Section te In ah.
2. Pu C.Lalrinsiamia te chhung Zuanngtui atangin Pi Sanghnuni 'V' Section te In ah.
3. Tv.PC.Lalrinchhana Keifang atangin Tv.Lalbiakmawia 'T' Section te In ah.
4. Pu PK.Pauva te chhung Dinthar atangin P Lalchungnunga 'T' Section te In ah.

'CH' Section huamchhunga YMA member inhmukhawm

Ni 21/7/11 (Ninga) zan khan Chawngbawla section huamchhunga YMA member kum 35 chin hnuai lamte chu Section hruaitute'n ko khawmin Springdale School ah thu tha leh pawimawh in zirtir leh in hrilhhriatna te, HIV/AIDS Awareness Campaign atante hun hman a ni. Member kalkhawm an thahnemin kalkhawmte'n an hlut hle. Tin, he inkhawmna hmun hmantirtu Pu Lalremruata Principal Springdale school chungah section hruaitute an lawm hle a ni.

He inkhawm hi Pu Lalramliana Asst Leader in kaihruiiin Tv Lalmunmawia Pachuau Fin Secretary in hunserh a hmang a. Pu Lalbiakthanga Khiangte Adviser CWBYMA chu thusawi tur a sawm niin ani bakah hian Pu K. Lalthakima Leader leh Pu C. Lalramzauva te'n thu an sawi bawk. Tin he inhmukhawm a ei leh in senso zawng zawng hi World Vision in an tumsak vek a ni. Pu Lalbiakthanga Khiangte chuan "Mizoramah ruihhlo a hluar em em a, heng ruihhloin a tihbuai vanga zan rei tak tak thleng a khawlai a hnawksak te hi Police ten man an tum em em vang pawh ni hran lo a man ngei ngei tul hi an awm reng a ni. Mipa chauh an ni lo, hmeichhia pawh an bang bik lo a, hei hian nawhchizawrhna ah te, mahni intihhlum duhna ah te a hruailut thin a ni. Tin, accident thlentu tamber a ni bawk" a ti.



TUN KAR CHANGVAWN

LALPA chuan heti hian a ti: Mihring rinchhana, mihring ban chakna ring a, LALPA hawisanna thinlung neitu chu Anche dawngin awm rawh se. Thlalêra hnimbuk to ri re ang an ni a, thil tha chhuak tûr reng a hmu lo vang. Thlalêr ram ro, chi leilung, tuma luah loh vah chuan a cheng zawk ang. Jer 17:5-6

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta

9862366308

Tv. Vanlalfawna

9856301975

Cir.Manager

Johny Lalthanpuia
9612359161

Jacob Lalrinsanga
9612319779

Production

Manager

R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : 'Khawtlang Nun Siamthat' tih hi a sawia sawi mai hi thil har lo tak chu a ni ngei ang. Ma'rawhchu inpekna tak tak tello chuan a hlawhtlinna hmuh har tak ani. YMA hruaitu nih phei chuan nasa lehzuala tan kan lak a pawimawh takzet a ni.

Khawtlanga kan nihna mai hi duhtawk lovin, kan theihna, thiamna leh remhriatna te hi hmang tangkai ila kan khawtlang hmasawn nan. Kan fel vang leh kan that bik vang pawh ni lemlo a khawtlanga mawhphurhna kan kova a inngah ve tek tek chung tak hi chuan mahni nawmna leh hlimna mai duhtawk lo hian enge ti thei ka nih ve, ka tello hian khawtlang a kal thei tho a lawm, ti mai lo hian i thawk zel ang u. Inlawm nun hi a ropuia pakhat chauha tih theih loh hi lungrua taka kan tih dial dial chuan kan khawtlang a lo mawi a Khawtlang Nun Siamthat-na kawngah pawh hma nasa takin min sawn tir ngei ang tih hi i hre nawn mawlh ang u. Kum chanve hnulam kan hman chhoh mekah hian kan hmalak tawhna te tanchhana hmang mai lovin theitawp chhuahin ke i pen leh zel ang u.

Article :

KHAWTLANG NUN SIAMTHAT

- Tren-a Pa

Khawtlang Nun Siamthat YMA-in kumpuan atana a hmang hi khawtlang, hnam thatna leh ram dinchhuah duh vangah I pawm phawt teh ang. Kan khawtlang nun hi siamthat angaih chuan chhia a awm tihna chu a ni phawt mai a, chumi siamthat hna thawk tur chuan Mizo tawhphawt chuan mawhphurhna kan nei a, engtinge ni ang tih chu mimal tinah leh a ngaihtuah peih leh peihlo pawh min huam vek a, rethei leh hausa, mifing leh mawl an dang chuang lo. Kan khawtlang nuna chhiat chuan ngaihtuah lovin thawk ve lo mah ila, a him chu kan ni bik kher awm love. Chuvang chuan tihtak meuhva tha kan thawh a kan ngaihtuah chuan kan hlawhtlin hun a thleng ngei ang tih ring chungin puanven i sawichhing ang u.

Khawtlang Nun Siamthat hi a hmasa berah chuan chungkua-ah bul tan a pawimawh hle ang. Chhungkaw nei mek leh la din leh turte tan pawh hei hi a pawimawh hle awm e. Chhungkua ah chuan Pa mawhphurhna hi a pawimawh ber ah dah ta ila, a nupui fanaute a enkawl danah pawnlam langchhuak-in an chungkaw mizia chu a tilang a, nupa lungruala fa enkawl leh chungkaw nunna kawngah hma an lak dun zel a pawimawh. Nu in chungkaw thil/fate thil tihdanah zepruk a neih fo chuan chungkua a kal fuh duh vak lo. Chhungkua ah hian hmeichhiat mipat, ruihtheih thil tihloh leh hnam nun zemawi inzirtir kan uar a tul a, Kristian nundan tha kan inzirtir hi khawtlang nun siamthatna pawimawh a ni. Nu leh pa ten fate kan zilha thu tha kan hrilh duhtawk mai lova kan nunin a kaihhruai hi a pawimawh hle mai.

Chutiang bawk chuan fate'n mawhphurhna an hlenchhuah ve pawh a tul a, nu leh pa chu mimawlte pawh nise hmangaihna leh duhsakna nena an thusawi chu fate tan chuan nunna leh malsawmna a tling a ni. Bible-in nu leh pa thu awih tura min hrilh ang hian (damreina pawh a tel bawk). Nu leh pa chawimawi hi fate mawh a ni a, nungchang tha leh khawsak mawi hi nu leh pa chawimawina a ni. Mithatchia leh zawm thaw, tihtur tilo leh kuttling lova thil neih chingte hi hlamchhiah ngam a tha.

Khawtlang nun siamtha tur chuan mahni chungkua mil tawka inchei ngam, aia upa zah ngam, rui chung a ina haw lo ngam, hruaitu leh hotute thuawih ngam, hnatlanna a thawk hmem ber ni ngam, nupui ngamlo ngam, pasalte thuhnuai dah tumlo ngam chung a mahni phaktawka Mizo nihna a chiang, mahni hnam nun leh ziarang vawng tlat chung a hreawm lai leh hahthlak laiah tuma hmuh loh pawh a rinawmna nena taima ngam leh a ruk arala thil neih Pathian malsawmna a puhlo ngam nih a tha ang.

Information Technology khawvelah hian

Committee leh hun pawimawh inkhawm etc, laia Mobile/Cell phone kheuh neuh neuh loh a mawi a, reilote nawm duh avanga mipat hmeichhiatna hman a mahni nunna pawh tawi loh a tha. Changkang nih duh vanga mahni hnam nun leh zia zahpui ang hrime hnamdang tihdan lak vak hi a changkang lo zawk. Nu emaw pa emaw ni chung a midang SMS hmanga tunlai tleirawl ho tih dan takin 'CK' pui tur zawn reng hi siamthat ngai pakhat chu a ni. Kawppui te nena hlimna zawn hi a finthlakin chungkaw hlimna thuruk a ni a, damreina pawh a ni ngei ang. Hmanlaia mipa ten nula kawm tam thei nih ropuina a an ngaih thin kha tunlai chuanthih hman a ni tawh zawk. Sum leh pai kan zawnna kawngah hian duham luat lutuk a paw. Chiahpuam, etc, hian mi tamtak rilru a tina, nupa inthen leh chungkaw tlakranna a tam phah a, thih phah an tam ta fimkhur a tul e. Sorkar atanga hnathawh tur kan hmuh, sum an phal zat nen inmillo lutuk a hlawh duh vanga thawhchhiat leh a ti thei nih vanga midang rilru tihnat leh mahni in hah pui lo leh hmuh tur reng nilo sum hmuh thin te hi ' ka takin engchawilo kan thla in ngun bun chhing chheng' tih ang vel a ni. Tin, vengchhung Gas semna mai ah pawh hian kan khawsak phung hi siamthat a ngai lo maw?

Sawi awm tam tak awm mahse a tawp berah chuan midangte tana malsawmna nih hi a ropui a, hmangaihten malsawmna an chan theih nana hmangaih tun a tuar a tul si thin a. He khawvelah hian khawtlang nun siamtha tur hian nu leh pa nih a pawimawh a, nula tlangval nih leh naupang nih pawh a pawimawh vek mai. Lehkhathiam a kalsan chi a ni lova, politics khelhsana sorkar hnathawhsan chi pawh a ni lo, fawrsan mai mai chi pawh a ni lo. YMA hruaitute tihtur bik a ni lova mihring / mizo ka nih vanga Khawtlang Nun Siamthat hi ka mawhphurhna a ni ti chung a hma la theuh tur kan ni zawk lo maw.

TAITESENA

☞ Ni 19.7.2011(Thawhle) zan khan NI.PC.Lalrindiki te in ah Section Committee neih niin thu pawimawh tak tak rel a ni.

☞ Tunlain vengchungah chhiattaw Lumen ngai an awmin tlangval leh rawlthar deuh te khawhar in bawr velah zu lo in thin an awm fo mai chu an ngaimawh hle a, hetiang ti thin an awm loh nan remchang anga hruaitute duty neih thin tum a ni.

☞ Section chhungah zu leh damdawi ruih hmang kan la awm chu an ngaimawh hle a, ti tawh lo tura an in ngen rualin ngai-pawimawh lo an awm nih chuan dim an tum lo hle.

☞ Nimin nileng khan ZCC te hmalaknain Section, ZCC leh CWSC Sub-Committee hruaitute nen Sipai Lammual ah Football khela intihhlina neih a ni.

☞ Hun remchang hmasa berah Thutthleng siamtha a hnatlang neih tum a ni a, hruaitute leh memberte hunawh lo insiam theuh turin an in ngen.

NEUVA

☞ Nimin Inrinni khan Lammual-ah Zofa Cultural Club buatsaihin Section hruaitu, Sporting Club leh Zofa hruaitute puala One-Day Football Tournament khelha a ni a, hlawk thlak an ti hle.

☞ An hruaitu NI.Lalrindiki Ralte damlo inlama in enkawl leh Pi Vanlalpeki M/o EVL.Hruaituanga (Asst.Secy.) Durtlang Damdawiina awm chu an dam leh thuai an duh.

☞ An hruaitu heng mite hi an zin a, damtaka an lo haw leh thuai an duh, Pu Lalthazuala Pautu leh Tv.Robert Zoramthara (Guwahati) NI.Jenny Malsawmtluangi (Kolkata).

☞ Section Hruaitu inkhela Jersey suk fai sak thintu leh thui ngai thui sak thintu an Treasurer NI.Lalramengi chungah lawmthu an sawi tak meuh meuh.

☞ Sub-Centre kawt, Turning Point leh a bulhnaia ualau taka ruihlo ti thinte ti tawhlo turin an ngen.

☞ Chhngtinte in leh a vel vawn fai kawngah tanla zual deuh deuh turin an inchah.

☞ Name Plate leh House No. siam duhte chuan Secretary hnenah hriattir tur a ni.

☞ Inluah thar/ pen tahr reng reng ten Pem Lehkha/ Hriatpuina Lehkha Section Hruaitute hnenah thehluh vek tur a ni.

VANAPA

☞ Ningani Zingkar khan YMA Zawlbuk sak mekah Section hnatlang neih a ni a, hnatlang ah hian Rawra thiar ani.

☞ An Member NI.Carter Zarzoliani'n Pasal tha tak mai Tuikual South lamah a nei a an lawmpui hle.

☞ House No. nei lo Section chhungah kan awm anih chuan Asst. Secy. Tv. Mangheta (9862358337) hnenah in report tur ani.

☞ An Member NI.Kitty Laltnanmawii rei tak damdawiin a awm hnu ah alo chhuak leh ta.

CHAWNGBAWLA

☞ Ni 21/7/11 (Ninga) zan khan Chawngbawla section huamchhunga YMA member kum 35 chin hnuai lamte chu Section hruaitute'n ko khawmin Springdale School ah thu tha leh pawimawh in zirtir leh in hrilhhriatna te, infuihtharna leh HIV/AIDS Awareness Campaign atan te hun hman a ni. Pu Lalbiakthanga, PU C.Lalramzauva leh Pu K.Lalthakima ten thu tha tak tak an sawi bawk a ni.

He hun an neiha hmunhma hmantirtu Springdale School neitu Pu Lalremruata chungah lawmthu an sawi.

☞ Inrinni khan Section dangte leh Zofa, Football leh Volleyball Sub-Committee hruaitute nen Sipai lammual-ah intihhlina Football an pet.

KHUANGCHERA

☞ Member Degree passed thar zawng zawngte an lawmpui takzet.

☞ An member tangkai tak leh tlawnngai lawmman te pawh lo dawng tawh Tv.Ramtharnghaka S/o Pu H.Laltanpuia, Asst. Leader chuan Ni 28.7.11 hian kohhran hall-ah nupui a nei dawn a, member zawng zawngte lawmpui turin an sawm a, hruaitute phei chu zingkar atanga nileng a atul ang buaipui tura min sawm angin tel theuh tur a ni.

☞ Thawhtan ni khan Zawlbuk sak mekah Section hnatlang neih a ni a, member 19 an thawkchhuak a ni. YMA memberte Branch hnatlang hi ngaipawimawh thin turin an ngen a, hemi tuma hnatlang te chungah lawmthu an sawi takzet a ni.

☞ Nimin Inrinni a Zofa Cultural Club buatsaih hruaitu Football inelna-ah tel ve a ni.

ZCC NEWS

☞ Ni 21.7.2011(Ningani) zan khan President, Pu Zonunsanga te in ah committee neih a ni.

☞ Ar Ground Allotment hmuh theih nana theihtawp chhuahtu an committee member NI.R.Lalramengzami chungah lawmthu an sawi.

☞ Nimin Inrinni (23.7.2011) khan A.R.Ground ah YMA Section hrang hrang leh Football leh Volleyball Sub-Committee hruaitute nen Football-a intihhlina neih a ni.

☞ Kar leh hun remchangah Songs & Drama programme Mamit-a neih tur atan inbuatsaihna neih mek a ni.

CWSC NEWS

☞ Vanlalthanpuia S/o TC.Lalremsiam V-Section chu Asia Karate Championship neih turah India Ram aiawhin a thang mek a, CWSC chuan a chhuang hle a ni.

☞ Rokhawlhna dang a awm loh chuan karleh hun remchangah Executive committee neih tum a ni.

Football Sub-Committee :-

☞ Wawiin tlai Dar 3 hian hruaitute leh Players zawng zawngte Indoor Stadium T.T.Hall ah Players inhmelhriatima leh thingpuyi in hona neih tur a ni a, kim taka kalkhawm vek turin an in ngen.

☞ Ni 20.7.2011(Nilai) zan khan Committee neih a ni a, thu pawimawh tak tak ngaihtuah a rel a ni.

☞ Ni 2.8.2011 atang hian 2nd Division Independent Day Celebration Tournament khelha tan a ni dawn a, kan veng Football Club ten hlawhtlinna an chan ngei theih nan Football Sub-Committee chuan vengchung mipuite tawiawmna an ngen tak meuh meuh a ni.

Sub Centre News

☞ Nu naupai (in ringhle) tan zun test-na (pregnancy test) a awm a, of-fice hun chhungin test theih reng a ni.

☞ Naupai te thlathum (3) hma in Sub-Centre ah in register theuh turin an ngen a ni.

☞ Naupai zawng zawng te Civil Hospital ah thisen test (HIV) theuh tura ngen leh hriattir kan ni e.

☞ Naupai in check-up duh tan kartin Thawhlehi (Tuesday) ah a in check-up theih reng a ni.

☞ Chhangkhatna 'copper T' hmangete kartin Ningani (Thursday) ah in check-up theih reng a ni bawk e.

Infiannangainatuletanenturatamdawn

HETAH HIAN SMS LA

>>9774170328<<

Tun pathianni hi infiamna khawvel zau takin thlriin, a tui mite tan chuan mittlai ni tak a ni dawn a, en tur a tam hle. Lords Cricket Ground, London-ah India leh England-in Test khel mekin, he inkhel hi Test satliah mai a ni lo va, No. 1 nih inchuhna a nih bakah, Test khel tan a nih atanga vawi 2000-na niin India leh England intum vawi 100-na chiah a ni baw a, tunlaia Test team tha ber pahnih an la ni cheu.

Khawvela infiamna hautak bera chhal thin, thirsakawr intlansiak hmingthang Tour de France hmawr bawka hun a ni cho mek baw. Kum kal taa he intihsiaka champion Alberto Contador chuan damdawi khawih chungchangah puhna nasa tak tuarin a fihlimzia a sawi ve thung. Contador hi kumin hian a title kaw mek humhim thei turin a tel phalsak ni mah se, a champion zo dawn lo niin a hriat.

Professional boxing hmunpui United States-ah inhnek ngaihven hlawh tak awmin, boxing khawpui pawimawh ber Las Vegas-ah tunlai fighter naupang zinga tha bera ngaih WBA champion Amir Khan leh IBF champion Zab Judah-ten junior-welterweight title an kaw ve ve inlaksak tumin an inbei dawn a, zing dar 8-9 inkarah inhnek hman tura ngaih an ni.

Kum 24 mi Khan hi kg 63 vel huang, junior-welterweight-ah No. 2-a ngaih a ni a, WBC leh WBO title kaw karp mek American Timothy Bradley chu No. 1 ni lai niin, Khan leh Bradley-te hi inhnek turin an inbe rem thei lo va, junior-welterweight No.6, kum 33 mi Judah nen thuthlung an siam fel ta zawk. Khan hian welterweight-a insawn chhoha kum tharah Floyd Mayweather Jr hmachhawn tumin ruahmanna a siam lawk a, kum 28 a nih hunah khawvela pound-for-pound fighter tha ber a nih ngei a inringtaw hle.

Vawiin tlai dar 5:30 hian F1 championship round 10-na German Grand Prix, Nurburgring-ah an tlan dawn. World champion Sebastian Vettel chuan hma a hruai fal tawh hle a, Red Bull driver hi a pumpuia pahnihna leh a teammte Mark Webber aiin point 80-in a sang a, an ram Germany-ah pakhatna nih ngei a tum ruh leh zual hle tih a sawi.

Hetih lai hian Ferrari-in hma an sawn a, an tlan hnuhnun berah Fernando Alonso chak berin, kumina Italian team leh Spaniard driver-in pakhatna dinhmun an luah hmasak ber a ni. McLaren-in an car tuam tha bawkin pakhatna nih theih an inbeisei ve mek a, intlansiak hmuhawm tak a thlen theih rin a ni a, kumin hian dan thar avangin vawi kua an tlan tawhah lap khatnaa inlehpel chhiar tel lovin tum 620 chuang tlankawngah an in tlan pel tawh a, kum

dang zawng aiin thil thleng a tam.

Zanin zan lai dar 12:30 hian Copa America final Uruguay leh Paraguay-in an khel dawn baw. Uruguay hian hnehna an chang a nih chuan Argentina nen champion ngun ber an nih dunna kal pelin, a wavi 15 nan trophy an la dawn. International football tournament zinga upa ber Copa America hi 1916 khan khel tan a ni a, champion hmasa ber chu Uruguay niin tournament tir lamah an che tha hle. Mahse, 1995 hnuah Uruguay an champion leh tawh lo va, nikum khan World Cup-ah rin loh takin semifinal an lut a, kumin tournament-ah team tha an ni tih an lantir nawn leh.

Vawi hnih champion tawh Paraguay-in a tum thum nan trophy lak an tum ve thung a, 1979 hnuah final an khel leh hmasak ber tur a ni. Paraguay hian group stage-ah vawi thum khelin an inhnehtawkpui vek a, quarterfinal-ah Brazil nen 0-0 nin semifinal-ah 0-0 in Venezuela nen an inhnehtaw leh a, penalty petah an chak ve ve. Final-ah hian penalty petah Uruguay hneh leh ta se, football kalphung pangngai anga chhutin chak nei miah lovin an champion dawn a, a chhan chu minute 120 chhunga chak an awm loh chuan inhnehtaw anga chhinchhiah a ni.

LOCAL COUNCIL NEWS

Chanmari West Local Council, MHIP leh MUP ten Ni 23.1.2011-a Joint Meeting in lungual taka an thlan BPL (155) leh APL (80) te Card chu lo chhuak tawhin Retailer No.I leh II ah lam theih a ni. List ah hian pemchhuak an awm nual tawh tih hriat a ni a, mahni Card dik tak chauh lak tur a ni. Heng list te hi check leh vek tur niin MUP leh MHIP hnenah copy hi pek a ni ang.

Sorkar atanga thu kan hmuh angin Chanmari West ah Gas bur engzat nge thleng thin tih Supply Department ah report tura hriattir kan ni.

An member Pi Biakhluni (K-Section) chu Aizawl District NLUP Monitoring Board Member atan ruat a ni a, an lawmpui hle.

AIRCELL FREE BOOKING

- Voters ID Xerox 1copies
- Passport Size photo 4copies
“Duh zat zat a book theih e”
(ID & Photo fiah tak a ni tur a ni)

KIMI DAWR (Kawipui)
V.L.Hnema Building
Ph: 9856808707 / 9856300500

☞ Mi polite lo lutuk thenawm chu a hahthlakin a khamawm hle mai. Vengchhung an ti hreawm tlat.

879464__23

☞ Thenawmte er leh rel reng mai nun hi simin mahni theuh i in enfiah ang u.

961213__69

☞ N-Section a motor silna neitu pakhat leh Edenthar atanga zu (asen chi) zuar thin te hi a khamawmin mit a ti kham thin hle mai. Thuneitu te hian engtingge hma an lak dawn aw.

897477__49

☞ Retailer thenkhat ah hian BPL te quata tur hi changlo kan awm fo mai a, godown atangin lakchhuah thin a ni tho si a, engtingge an tih thin le aw...? Thuneitu ten min han ngaih tuah sak teh u.

961293__44

☞ Pu TC.Lalremsiama leh a fate ho hi an va ngaihsan awm tehlul em. SState, National leh International level hiala infiamna lama lang phaa an invawrh chho thei hi Pa berin a fate a enkawl thiam a, a faten an zir baw tih a lang hle a ni. Khawtlang, ram leh hnam min va han chawimawi tak em..! Khawtlang huapa chawimawina buatsaih hial tlakah ka ngai.

986233__29

☞ Kan vengchhunga Zu in kan sawi ziah, mahse a zuartute lam kan ngaihthah leh thin. A paw khawp mai. Section tin te i fimkhur ang u.

897477__49

(SMS kan dawn te hi Ed. Bd ngaihdan a ni vek kher lo)

Enge an sawi ?

☞ “Tunlaiah hna a vang tawh em em a chutihlaiin phai lama hna hmuhsaktheitu inti nazawng rin loh a tha, hmehhriat hnai takin an sawi hmuh che u a nih pawhin chian hmasa zel rawh u, a tawpah nawhchi zawrhna a hruailuh tam tak an awm a ni. I fimkhur hle ang u”

- Lalbiakthanga Khiangte

☞ “Changkang kan tehna hi enge niang le? Mifing pui pui leh hausa pui pui awmkhawm I la, kan tawmngaihna hi hniam viauin kan khawtlang hi ralmuang lo viau baw si se changkang kan ni ang em?”

- K. Lalthakima

☞ “HIV hi a hlauhawm em em kan tihrualin nun uluk mi tan chuan kai mai hi thil awlsam a ni lemlo, tin a kai te pawh thinhrik leh endawng loh tur a ni a natna pakhat ve mai a ni baw”

- C. Lalramzauva